

Tomislav Martinović

From: Semir Mujezinović <semir.mujezinovic@amcham.ba>
Sent: 28. listopada 2024. 11:29
To: Tomislav Martinović
Subject: [DOPIS] Američka trgovačka komora u BiH - Zakon o advokaturi FBiH
Attachments: AmCham BiH dopis - Zakon o advokaturi FBiH.pdf

BOŠNA I HERCEGOVINA
Federacija Bosne i Hercegovine
PARLAMENT FEDERACIJE
SARAJEVO x5

Priljeno: 29-10-2024

Org. jed.	Broj	Priloga	Vrijedno
02	-02-	1581	/20

Uvaženi g. Martinović,

Pozdravljamo Vas ispred Američke trgovačke komore u BiH, kao uglednog poslovnog udruženja koje okuplja preko 160 domaćih i međunarodnih kompanija. Mi smo akreditovani član Privredne komore Sjedinjenih Američkih Država u Vašingtonu i od svog osnivanja 2002. godine radimo na unapređenju poslovnog i općenito društveno-ekonomskog okruženja u Bosni i Hercegovini kroz aktivnu promociju načela ekonomskog prosperiteta i vladavine prava.

Ovim putem Vam se obraćamo povodom Prijedloga Zakona o advokaturi FBiH, koji je Zastupnički dom usvojio dana 23.10.2024. godine. Ističemo da obrazloženje spornog Prijedloga dovodi u zabludu članove Parlamenta FBiH tvrdnjom da Prijedlog neće proizvesti posljedice po budžet FBiH. Svima koji i površno poznaju predmetnu materiju jasno je da bi se posljedice usvajanja ovakvog Prijedloga po budžet FBiH mjerile desetinama ako ne i stotinama miliona KM.

AmCham podržava amandmane koje je na Prijedlog podnio delegat Doma naroda Ivan Odak, smatra da isti detaljno i osnovano argumentiraju neprimjerenost rješenja iz Prijedloga, te poziva sve delegate Doma naroda da glasaju za ovaj amandman, te da se isti kasnije kroz zakonske procedure usuglašavanja usvoji i u Zastupničkom domu.

S poštovanjem,

Semir Mujezinović

Policy and Committee Officer
AmCham BiH

t: +387 33 295 502
f: +387 33 295 503
m: +387 61 732 710
w: www.amcham.ba

semir.mujezinovic@amcham.ba



BC UNITIC,
Tower B, 2nd Floor
Fra Anđela Zvizdovića 1
71000 Sarajevo
BiH



PARLAMENT FEDERACIJE BOSNE I HERCEGOVINE

Dom naroda PFBiH

n/r: gosp. Tomislav Martinović, predsjedatelj

VLADA FEDERACIJE BOSNE I HERCEGOVINE

n/r: gosp. Nermin Nikšić, premijer

FEDERALNO MINISTARSTVO PRAVDE

n/r: gosp. Vedran Škobić, ministar

Sarajevo, 28.10.2024.

PREDMET: Stav AmCham BiH o Prijedlogu Zakona o advokaturi FBiH

Poštovani,

Dana 22.10.2024. godine je objavljena informacija o sazivanju 13. sjednice Doma naroda Parlamenta Federacije Bosne i Hercegovine za četvrtak, 31. oktobar 2024. godine. Između ostalog, na dnevnom redu navedene sjednice je i Prijedlog Zakona o advokaturi FBiH, koji je Zastupnički dom dana 23.10.2024. godine usvojio u tekstu koji je suštinski istovjetan tekstu Nacrta ovog zakona na koji je AmCham ranije dostavio brojne primjedbe.

Nažalost, iz teksta Prijedloga proizlazi da su te primjedbe u cijelosti ignorirane i u proceduru je dalje dostavljen tekst koji je protivan međunarodnim sporazumima koje je BiH zaključila, javnom interesu, interesu poslovne zajednice, te u konačnici i interesu advokature u BiH.

Uz brojne druge sporne odredbe koje dovode u pitanje i ustavnost spornog Prijedloga (npr. zabranjuje se osobama sa prebivalištem u jednom entitetu da osnivaju advokatske kancelarije u drugom entitetu), ističemo da obrazloženje spornog Prijedloga dovodi u zabludu članove Parlamenta FBiH tvrdnjom da Prijedlog neće proizvesti posljedice po budžet FBiH. Svima koji i površno poznaju predmetnu materiju jasno je da bi se posljedice usvajanja ovakvog Prijedloga po budžet FBiH mjerile desetinama ako ne i stotinama miliona KM - npr. ukida se ograničenje

advokatske nagrade na prosječnu plaću što može dovesti do značajnih troškova po budžet FBiH u sporovima u kojima je FBiH tužena strana; zatim se zabranjuje advokatima da obavljaju dužnosti u nadzornim odborima javnih preduzeća, što će automatski dovesti do nepotrebnih troškova sazivanja desetina skupština javnih preduzeća u kojima su trenutno advokati članovi nadzornih odbora; te se konačno advokatima koji saraduju sa stranim kancelarijama zabranjuje iznošenje informacije o toj saradnji, što može dovesti do prenošenja značajnih prihoda u drugi entitet gdje ovakvo ograničenje ne postoji.

Uvjereni smo da se na ovaj način narušava već poljuljano povjerenje u advokatsku profesiju i pravni sistem u FBiH, jer ne postoji javni interes za ovakvo uređenje predmetne materije, te su sporna rješenja u interesu isključivo male grupe iz rukovodstva Advokatske komore FBiH, koja vjeruje da će na ovaj način povećati svoje lične prihode, što je najvjerojatnije također očekivanje bez ikakvog realnog izgleda na uspjeh.

Kada je u pitanju saradnja advokata iz FBiH sa stranim advokatskim društvima, ne samo da je takva saradnja u interesu ekonomije BiH i klijenata, nego se BiH međunarodnim sporazumima obavezala na promicanje takve saradnje.

U tom smislu, AmCham podržava amandmane koje je na Prijedlog podnio delegat Doma naroda Ivan Odak, smatra da isti detaljno i osnovano argumentiraju neprimjerenost rješenja iz Prijedloga, te poziva sve delegate Doma naroda da glasaju za ovaj amandman, te da se isti kasnije kroz zakonske procedure usuglašavanja usvoji i u Zastupničkom domu.

S poštovanjem,

Američka trgovačka komora u BiH

